

Lingua lak

Na Galipedia, a Wikipedia en galego.

A **lingua lak** (лакку маз, *lakːu maz*) é unha lingua caucásica nororiental que forma a súa propia póla dentro desta familia lingüística. É a lingua do pobo lak, que habita na república autónoma de Daguestán, en Rusia, onde é unha das seis linguas estandarizadas que se falan. Segundo o censo de 2010, é falado por máis 150 000 persoas.

Abrangue cinco dialectos: *ashti kuli*, *balkhar*, *vitskh*, *vikhli* e *kumukh*, que forma a base da lingua literaria lak. Dende finais do século XIX, escribiuse en caracteres árabes; o alfabeto latino foi empregado entre o 1928 e o 1938, e dende entón, en alfabeto cirílico. Antes de que o lak se convertese en lingua escrita, empregaban o árabe. Hoxe é unha das 9 linguas oficiais de Daguestán, malia que non se empregue no ensino (só se ensinou entre 1920 e 1960, dende entón só se ensina en ruso). Tamén ten un xornal *Ilchy* (Luz) e *Tslubarz* (Lúa nova, 1952) que xa non se edita, e unha estación de radio.

O lak foi empregada como lingua literaria por autores como Garun Saidov (1891-1919), xefe da Oficina de Axitación ou Educación Bolxevique en Daguestán, e o primeiro autor dramático en lak, Jussup Khappalajev (1916) con *Estrelas de felicidade* (1950), Mugutin Sharinov (1893-1937) con *Shagalai* e *Gabibat i Gadzhijev* (1919), Said Gabiev, Abutalif Gafurov e Abdurahman Omarov.

Véxase tamén

Ligazóns externas

- Gramática lak por Wolfgang Schulze (<http://wschulze.userweb.mwn.de/Lak.htm>)
- Transliteración do lak (<http://transliteration.e ki.ee/pdf/Lakh.pdf>)
- Lak House – Cultura e sociedade lak (<http://www.lakia.net/>)
- Palabras lak (https://web.archive.org/web/20110719062742/http://lingweb.eva.mpg.de/cgi-bin/ids/ids.pl?com=simple_browse&lg_id=56)

Lak

лакку маз

Pronuncia: [lakːu maz]

Falado en: Rusia

Rexións: Sur de Daguestán

Total de falantes: 150 000 (censo de 2010)

Familia: Caucásico nororiental
Lak

Escrita: Alfabeto cirílico

Estatuto oficial

Lingua oficial de: Daguestán, Rusia

Códigos de lingua

ISO 639-1: --

ISO 639-2: ---

ISO 639-3: lbe (<http://www.sil.org/iso639-3/documentation.asp?id=lbe>)



Lak



Existe unha versión da Wikipedia en **Lingua lak**

Traído desde "https://gl.wikipedia.org/w/index.php?title=Lingua_lak&oldid=4861599"

A última edición desta páxina foi o 26 de agosto de 2018 ás 02:03.

Todo o texto está dispoñible baixo a licenza [Creative Commons recoñecemento compartir igual 3.0](#); pódense aplicar termos adicionais. Consulte os [termos de uso](#) para obter máis información.

Wikipedia® é unha marca rexistrada da [Wikimedia Foundation, Inc.](#), unha organización sen fins lucrativos.